

# Samþykkt Akureyrarkaupstaðar um verklagsreglur vegna tímabundinna lokana gatna fyrir umferð vélknúinna ökutækja

## 1. gr. Tilgangur og almennar forsendur

Takmörkun á umferð vélknúinna ökutækja eykur öryggi gangandi vegfarenda, á þátt í því aðefla bæjarbrag og virkar hvetjandi fyrir íbúa og gesti til að ganga og njóta útiveru. Með því að takmarka umferð vélknúinna ökutækja er opnað fyrir gangandi umferð og möguleika til að nýta miðbæjarsvæðið m.a. fyrir uppákomur sem trekkir að fólk og eykur viðskipti í bænum. Samþykkt þessari er ætlað að tryggja að vel sé að þessum málaflokk staðið og að lokanir gatna fyrir umferð vélknúinna ökutækja séu í sátt við íbúa, rekstrar- og hagsmunaaðila. Samþykkt þessi nær til tímabundinna lokana gatna fyrir umferð vélknúinna ökutækja í Akureyrarkaupstað.

## 2. gr. Lokun göngugötu

Lokun þess hluta Hafnarstrætis sem kallast göngugata er að lágmarki eftirfarandi:

Júní – fimmtudaga, föstudaga og laugardaga frá kl. 11 til 17

Júlí – alla daga frá kl. 11 til 17

Ágúst – fimmtudaga, föstudaga og laugardaga frá kl. 11 til 17

Lokunarmerki skal vera við Kaupvangsstræti.

Ef hiti er undir 5°C á sjálfvirkum mæli veðurstofunnar við Krossanesbraut kl. 11 að morgni lokunardags, er sviðsstjóra skipulagssviðs heimilt að hafa götuna opna fyrir bílaumferð þann dag.

## 3. gr. Lokun Listagilsins

Lokun vegna listviðburða í þeim hluta Kaupvangsstrætis sem kallast Listagil er heimiluð frá kl. 14 til 17 frá maí til september. Verður að hámarki gefið leyfi fyrir fjórar lokanir á þessu tímabili. Sækja skal um þær lokanir í apríl fyrir hvert ár. Lokunarskilti skulu vera við neðra horn Kaupvangsstrætis 19 og við efra horn Kaupvangsstrætis 23.

## 4. gr. Lokun miðbæjarins

Lokanir fyrir umferð í miðbænum á eftirfarandi hátíðum og viðburðum.

17. júní (sjá kort)
- Verslunarmannahelgi (sjá kort)
- Akureyrarvöku (sjá kort)

## 5. gr. Umsóknarferli fyrir öðrum lokunum gatna í Akureyrarkaupstað

Sækja skal um lokun götu til sviðsstjóra skipulagssviðs, eða staðgengils hans, með minnst 3 daga fyrirvara. Sviðsstjóri skipulagssviðs, eða staðgengill hans, afgreiðir umsóknir um lokanir á húsagötum, safngötum og tengibrautum. Ekki er heimilt að loka stofnbraut nema með samþykki Vegagerðarinnar og sýslumanns. Í umsókn um lokun þurfa eftirfarandi upplýsingar að koma fram:

- Nafn tengiliðar/ábyrgðaraðila
- Nákvæm staðsetning lokunar, merkt inná kort eða loftmynd.
- Tilgangur lokunar.

- d) Tímasetning lokunar.
- e) Útlit og merking lokunar

## **6. gr. Útlit og merkingar**

### **Útlit lokana skal vera með eftirfarandi hætti:**

- a) Lokanir skulu vera með þeim hætti að aðkoma slökkviliðs og sjúkrabíla sé tryggð t.d. með því að hafa eina akgrein hindrunarlausa eða hafa lokunarskilti létt og færanleg á auðveldan hátt.
- b) Ljós eða endurskin skal vera á lokuninni.

### **Merkingar skulu vera með eftirfarandi hætti:**

- a) Skýr merking og hindrun skal vera á lokunarstað.
- b) Tilkygningar um lokanir og mögulegar hjáleiðir skulu vera á næstu gatnamótum og tengibrautum, þannig staðsett að ökumenn hafi svigrúm til að breyta um akstursleið.
- c) Eftir fremsta megni skal ekki vísa ökumönnum á hjáleid sem liggur um íbúðagötur.

## **7. gr. Tilkygningar og auglýsingar**

Þegar götu er lokað fyrir umferð vélknúinna ökutækja skal tryggja að sem flestir hagsmunaaðilar viti af lokuninni með minnst tveggja daga fyrirvara. Sviðsstjóri skipulagssviðs, eða staðgengill hans, ber ábyrgð á tilkygningum um lokanir. Auglýsa skal lokanir gatna á heimasíðu Akureyrarkaupstaðar og með öðrum áberandi hætti telji sviðsstjóri skipulagssviðs þess þörf.

## **8. gr. Framkvæmd lokana**

Allar lokanir gatna eru í höndum Umhverfismistöðvar Akureyrarkaupstaðar í samráði við Vegagerðina þar sem við á. Allar lokanir vegna hátíðarhalda og viðburða í miðbænum eru í höndum Umhverfismiðstövar og/eða Akureyrarstofu.

## **9. gr. Kostnaður við lokanir**

Kostnaður við lokanir s.s. auglýsingar og vinna við lokanirnar sjálfar skal greiddast af umsækjanda í samræmi við gjaldskrá Umhverfismiðstöðvar og annars útlagðs kostnaðar.

## **10. gr. Undanþágur**

Undanþegið samþykkt þessari eru lokanir vegna framkvæmda eða viðhalds á vegum Akureyrarbæjar eða fyrirtækja á þeirra vegum. Ökutækjum með P-merki fyrir hreyfihamlaða er heimilt að keyra göturnar þrátt fyrir lokun, sé þess þörf. Aðkoma inn göngugötuna verður hindrunarlaus frá norðri.

## **11. gr. Ágreiningur**

Úrskurðarvald um ágreining vegna þessarar samþykktar hefur bæjarstjóri.

## **12. gr. Gildistaka**

Afgreitt í skipulagsnefnd 27. apríl 2016

Samþykkt af bæjarstjórn 7. júní 2016

Endurskoðun afgreidd í skipulagsráði XX

Endurskoðun samþykkt af bæjarstjórn XX

Fylgiskjöl: Kort